

湖
海
詩
傳

湖海詩傳卷三

青浦王 昶德甫輯

汪由敦

字師敏號謹堂休寧人雍正二年進士官至吏部尚書
謚文端有松泉詩文集

蒲褐山房詩話公保直內廷幾三十載清和恭謹上結主知子鄉會座師皆出公門下甲戌在京會試以小門生禮見相得驟然深加獎厲蓋夢文子座注為之先容也其後哲嗣承當今官總憲先與子同直西清得公行事益詳公卒後總憲屬起君翼編次其集繕錄進呈上製詩以弁其端

題徐潛昭所藏米元暉山水

春雲濛濛濕不飛層巒漠漠開林霏力窮造物入毫素老顛
僊筆傳元暉楚山清曉無由見尺幅寸縑珍紀獻含毫待制
知幾何玉躡金題歸秘殿此圖流落自何年蛛絲煤尾淪寒
煙忽逢好事得收拾腰纏豈惜奚囊錢於潛徐翁隱埃壒几

列綆網羅寶繪子昂獵騎趙昌花什襲雖多此其最臨安山
水多崛奇圖中所見猶依稀橫風吹雨過溪外山腰紫氣斜
陽低雪花打窗歲方宴邀我題詩展繪練我詩漫與何足多
鑑古尤難辨真贋朝來舒卷坐擁爐眼前歷歷西子湖平橋
老樹虛亭孤山樓對雨誰能圖感君珍重重拂拭誰道知音
世難得只愁名蹟少流傳不乏高人能賞識

鄭方伯黃臬司張觀察招同彭宮允遊趵突泉

濟南名泉天下奇汭流突見城南陞白龍拔地幾千尺鬚爪
劈破青玻璃明沙石瀨開平曠噴薄中心忽神旺地湧青蓮
玉作花井抽冰柱銀翻浪驚湍灑灑滙清渠日影波紋上綺
疏當軒坐擁三堆雪繞檻平傾百斛珠圖經自昔聞靈演勝
槩今來真在目寧誇鷺羽曲江濤不數晴虹匡阜瀑公餘軒

盤駐郊垌野色泉聲共一亭
泳游自適魚依藻呵殿不驚鳧
唼萍清秋歲稔場將滌地主情殷尋古迹酌泉共喻飲冰心
紀遊莫笑成詩癖

晴嵐閣學貽水僊碧桃走筆爲謝

醺花居士遣送花白琢冰雪紅蒸霞亞枝含笑人面暎倚石
側彈雲冠斜濃妝淺暈各異態神仙風骨無爭差信風纔到
老梅蕊綠意未迴新柳芽幹旋直僭補天手闕艷競出東皇
家凌波娟娟步羅襪和露灼灼調鉛華風輕自著紙屏護寒
重更倩重簾遮
蔕林矜賞破枯寂靜海觸緒翻愁嗟

梁廟二公各有報詩

梁繇居廟有子婦之感
情見乎詞其意云爾

我生幸不乏意趣燈前笑語爭喧譁兒童少

見強解事慨以新水培新沙燈棚廟市不計數珍重詎比辱

拜嘉屏間墨戲適寫照筆妙隱躍飛龍蛇

屏間雙清圖小幀亦釀花
居士所臨趙子固王元章

原
看花對畫坐忘倦頓令陋室春光奢從來草木同臭味莫
笑瓊樹依蒹葭

吳江

輕帆向晚急遠水入秋澄煙霽漁莊柳風低蟹簫燈市沽缸
面酒盆採折腰菱高士傳祠廟遺蹤未易徵

聖駕南苑大閱恭紀八首

千羽堯天治車書禹蹟同順時稽令典撰日整元戎七德揚
神武三驅振古風不須刊石鼓盛烈邁車攻

清蹕向長楊鳴鑣出建章九旗懸日月萬騎蹴冰霜帳殿
攏瑜暖旌門組練光馳騰健貔虎肅肅羽林郎

地是周靈囿城連漢上林華旂馳日馭紺宇佇天臨沙
路飛塵淨松舉積翠深離宮時暫駐端不爲從禽

甲帳拱中樞辰旗辨正隅花鬋金駉裏析羽繡螫弧令舉吟
龍角營開合虎符氣酣金鼓外雷動萬人呼

日角瞻天表親巡驃騎營乘麾森豹尾按轡儼龍行

韜威容壯戈鋌節制明六軍同扑躍挾纈此時情

周官司馬法風后握奇經迭進嫺師律環生按陣形千行飛
電紫萬道漲煙青卻望高臺上森嚴衛百靈

六鈞神力勁一發耀天威旋旆仍餘勇呼鷹更合圍彩翎

迎日麗錦翼傍雲飛恩資叨蕃錫歡同奏凱歸

詰戎非耀武偃革誕敷文喜氣融城雪和風捲陣雲陽回軒

律正歌阜舜絃薰謨烈承三后垂衣仰聖君

過丁乃清書樓

賸有餘閒作往還每來高館俯塵寰風光盡入三層檻晴靄

低迷幾曲山好客坐看煙樹綠新詩吟對夕陽殷漫拈書幌
思陳事瓊蕊當窗手自攀

丁亥余讀書是樓樓前玉蘭最盛

元夜

村舍風光五夜過春燈合岸射晴波當頭璧月沉沉夜勸客
銀船緩緩歌對酒漸傷前輩少追歡惟聽舊聞多板橋霜重
人初散不醉其如曉漏何

除夕和趙學齋韻

十載清班忝致身今宵餞臘正迎春

開歲元旦立春

漏聲漸聽將交子

魁柄俄看又指寅芸局圖書從汗漫青編姓氏懼湮淪

是夕燈下編訂

明史文苑列傳

挑燈檢點經年事多愧蘭臺筆札新

常山峪行宮蒙賜佛手柑恭紀

佳實曾陳玉案傍冰瓷擎出沐

恩光賜從紫塞風霜老

貢自炎天道路長名美竝標僊掌秀色深遙映 御衣黃纓
囊什襲歸裝穩畱對秋花共晚香

題陸芑洲寒山舊廬圖用張文端公韻

蒼煙古木宋林邱傳為韓平原南園故址四十年前紀舊遊予於壬辰癸巳間過此入

夜泉聲清到枕隔城山色近當樓石間句好苔紋護洞口雲

濃樹杪流山主為紫陽洞此日天隨爲地主鶯花一洗向時愁

王 峻

字次山常熟人雍正二年進士官至監察御史有艮齋

集

蒲鶴山房詩話先生居臺中義形于色遇事敢言常劾其臺長時以爲當故雷剛憲贊一序其詩文謂議論侃侃直言天下事指此也謝病歸爲蘇州崇陽書院院長巡撫寧王雅公辭文小有過舉必面折之蓋自求院長所罕見也其詩宗尚兩馮參以趙谷何義門之說不獨前後七子深加損斥卽漁洋尙書亦多未愜然
集中錄行詩最爲清矯
刻附詩以四道集何也

舟中望江岸石壁書所見

絕壁插江濱，數臨幾百丈。舟行過其下，人語山蒼響。石門門玲瓏，洞穴赫宏敞。俯探魂已驚，仰睇神俱蕩。忽看崖隙間，結構絕人想。架空木縱橫，插隄椽三兩。迤延綴蜂房，漂搖罥蛛網。鳥飛不可過，躋攀何以上。舟人頻指點，使我彌惝怳。云昔吳逆時，居民苦掇攘，相攜逃此中，不爾罹賊黨。聞言轉愀然，前行去沆滢。

斗狼箒

斗狼高插霄，萬木蒙龍蔽。循途繞山麓，壁暗天無霽。輿夫喘不前，號呼雨繩曳。盤紆至山腰，身已入雲際。四觀所經山，帖地皆瑣細。是時煙雨中，褰帷試一睇。灌木不知名，山花開自麗。芭蕉葉拂衣，翠竹陰交翳。羣猿競來窺，野雉止不逝。行行

造其巖嶺哉難越想蠻荒故多奇天地亦護閉此方山更雄
物產佐國計丹黃及鉛鐵採取有定制而此深箐中材木衆
仰濟自來阻幽險兼以畏瘴癘一朝成大路見者恣芟薙我
知十年後山童地且敞感此遂成詩山靈庶相契

雨中過大小斗狼箐

小斗狼箐七八折大斗狼路更險絕蜿蜒十里幾十盤關索
雞公敢齊列蒙籠萬樹翳天日釀雨蒸雲失秋烈人從天半
下林杪欲留不能氣鬱結平看對面山萬重如瞰如飛門截
巢我行半日雨已收忽衝雲腳又噴泄與夫蹣躑倩人助泥
滑兼之石凹凸况逢大水當路臥性命須臾懼傾跌山下居
民三四家伐薪採蕒衣破裂行人再過不勝愁全家來此一
何拙嗟哉苦樂天難均蓼蟲食辛味亦別

哭歸安吳奉常房師

難將黑水洗沉冤萬里層冰慘鬼門魑魅有知應下淚文章
無地與招魂名高至竟爲身累罰重誰能巧主恩望斷
尚陽堡外路幾時歸櫬赦虞翻

李重華

字實君號玉洲吳江人雍正二年進士官編修有正一

齋集

蒲褐山房詩話吳江詩家百餘年來若無傑作先生筆力嶄然迥自運其宗法
蓋在杜韓間時吳縣蔣恭棡編修于古支而先生以詩名兩者莫能軒輊也先生
諸子皆能詩書亦仕路而詩文未行
收拾者僅存此編東木亦久朽蝨矣

道古四首

羸氏尚督責好用韓非言不知吃公子乃伏亡秦根其身則
已斃其說旋以尊良山嶒殺身理勿使久存岐周積仁義箕

疇助其源奚獨旦爽謀亮弼貽後昆維韓圃中商毒甚燎火
燔追咎道德家伯陽寧非冤

予長憤著書論或憑胸臆殷勤表素王已足稱神識時方貴
黃老經術尙剝蝕卓然仰高山先路導其或駢羅七十賢附
聖爲羽翼遂使絃誦堂崇祀盛軌則我嗟衛道人曾未預配
食盲左既酬功腐遷何愧色

俗儒矜奧博凌雜徒記醜我思鄭康成迺得稱富有窮經蒼
翠說羅列燦星斗微言或有待大義誠悉剖隱耀避時屯侯
伯不得友悠然通德居書帶映窗牖陋彼馬季長朱戶竟俯
首回賜不名官斯言能道否

濂溪圖太極發緒由希夷正類洙泗傳柱下亦我資相彼睿
哲人妙契超言思早歲輒聞道聖域可等期傳心不在圖聊

復意擬之微言吐精蘊迺配繫易詞斯人開閩洛功續孔與
姬太元與元苞何獨齎測爲

劍閣

我行問雄關天險殆無敵迢遙來一髮突兀逼重壁橫排十
萬劍豁罅不盈尺都無客土附而忽精鐵積其巔鬱叢箐其
底亂深射烏兔讓飛走蛟螭避堂宅入門循地陞雙峽巨而
窄左作長鯨掀右類巨鼉擲雷轟泯斧鑿雲蔚隨縷脉迴風
驟長驅霜氣砭領脊洪荒想胚胎元氣更併迫倘非僊掌排
亦屬應龍割五丁力不逮渠能萬靈役殘山通仄狹畱險藉
控搃誰知徒長奸據竊逞荷戟炎漢固殊類偏安吾所惜子
陽先覆轍王孟後接蹟稱帝旋洞胸降王遜銜壁何況獻賊
流蝮蝎恣毒螫張牙縱狂嚙擢髮終寸磔伊昔彫傲初人煙

莽蕭索生息今百年墾闢連萬陌文翁兼詰戎武鄉兼教澤
遠絕若番藏倏瞬達重譯而此枕席安號渙誰壅隔地利分
險夷皇圖觀順逆磨崖奮如椽申命誠梁益

五丁關

頑山積精銚屏亘斷無路旁崖暗澹潏潏不可度摩天大
斧劈霆迅裂局銅至今龍鱗文刻畫筋脉露長蛇爾何物詐
誘致頽仆得毋山精靈幻化泄餘怒二帝鑿混沌七日迺物
故五丁頗相類事與天地忤吾聞笱僊人移山如縱步造化
可迴斡猛奪何足慕

孟冬遊草橋積花軒得澤字

遙情緬西山近想憶南陌相期有素心卽事互招客氣候涉
初冬煙景異疇昔折葦芸以黃渟溪澹而碧松門披蒼篠竹

牖睇虛白沿洄稍通渠點綴頗豐石長風遞寒條落葉日行
蹟始悟三春時實見萬卉積鄰園富花房煖窖坎地脉駢莖
轉蔥蒨吐穎彌悅澤翻憐植植翁坐令寒暑易天香自供養
元化在肘腋茲遊忘賓主酣燕任狼籍射覆笑先登藏鉤戲
相厄開懷試清吟佳興勿虛擲

送徐編修澂齋冊使琉球

人言地缺東南陬羣川萬派爭歸流譚天誌怪寓言耳寧知
地體圓如球中華正居赤道北刻宿照耀分齊州河環嶽匝
限大海人文道化雄千秋奇肱鑿齒候朝貢歸往大國爲綴
旒扶桑之西地以萬盡控絕島如萍浮吾皇手啟天地
鑰八紘六幕網維周揆文奮武四十載西北小蠡指掌收乾
端坤倪順迴幹火淵冰海匪遐修帝言覆載悉寓下來

王待冊惟琉球嘉汝有才冠詞館其副太使敷鴻猷玉堂崇
班一品服顏如渥赭鬚髯蚪牙旗畫鼓駭溟渤大官餞飲擁
上游梔高百尺驅六道柁以鐵力沙棠舟百靈開明萬怪伏
禽魚翔泳隨權謳白洋橫分亘其腹上看南極當船頭珊瑚
瑇瑁作海底幻化五色光通幽中山居民共雷拊盟心望拜
依神州窮歡極燕坐宮殿炮膾異族臚珍饒飽求詞賦乞書
翰星斗燦燦龍蟠蟠鑄之屏風刺弓蠲寶玩萬祀英名留此
行何止使不辱神人坐致懷且柔宣威播澤報 天子乘
槎漢客安能倚逆歸更作寰海誌他年考据當九邱

小花山

一徑縈丹磬千松入翠霞人歸衆香域山是妙蓮花竹外春
風定廊邊白日斜步來幽意愜延坐拓窗紗

寄席對楊并謝鈔書見寄

經時相望渺雲煙
標格英華世孰先
楊師當年張散騎
芙蓉初日謝臨川
虞山風雅空前輩
婁水芳華見別傳
楊村係外曾祖聞說異書將寄與
裝成何止玉爲篇

過居庸

太行東驚正迴環
界截燕雲是此間
九土橫分雄地軸
三邊總會扼天關
羽書報捷風雷迅
戍卒承平日月閒
此去漠南皆枕席
馬啼思踏賀蘭山

綏德州

全秦北戶勢嵯峨
韓范經營舊不磨
橫嶺千重遮絕塞
孤城三面繞長河
雲開古戍烽煙息
霜落秋原禾黍多
翻笑畫疆分控日
枉令西夏擁珂戈

湖天雜興

志和僊去杳忘歸依舊青山擁釣磯但隔斜風兼細雨桺條
如颺綠蓑衣

晚洲漁笛裊纖音颯颯蘋風動遠林無限亂雲飛忽盡洞庭
空翠落湖心

自趁溪雲撥小船沿洄幾度宿湖天爛銀沙尾醉明月有夢
不離鷗鷺邊

斷渚平沙淨渺然酒旗寒映晚炊煙分明滿幅營邱畫畫出
江南欲雪天

劉統勲

字延清號爾鈍諸城人雍正二年進士官至東閣大學
士卒贈太傅謚文正

蒲楊山房詩話公光明正直燭照生幾事之可否微發其端至一二十年後始服其精識士有賢不肖亦洞見其將來不可得而親亦不可得而疎也內外臣工無不仰其剛果而情意肫然不微過爲嚴峻生平未嘗奉佛然於大乘方廣諸經皆能得其指要六句以後入夜秉燭跏趺危坐至二三更許窗外偶有聲響無不悉聞臨終之日五更起盥洗飲食如常升輿至東華門外與後側家人呼之不應比啓帷視之則已瞑矣上親臨其喪見室無長物內外蕭條枯槁寒氣襲人因深爲嘆息賜諡文正不待禮臣議請也公薨後今相國石庵先生以事在記注功在史牋不諱行狀不請爲墓碑墓志第取所奉諭旨及生平奏疏編年繕錄以示子孫其謹慎小心亦後來台輔所當取法者

平金川詩

臣伏見 皇帝陛下御極以來聲教暨訖宵翹遂性猛鷲易形所謂仁育羣生義征不誅四海九州大順大化者也西域夷金川土酋莎羅奔狼卡忽構隣釁不遵吏約初懷懼罪之心旋成負固之狀潛伏阨隘天討久稽 皇帝命大學士傅恆親往經略誅渠奸破堅壘刻日獻俘乞降不允 皇帝特頒恩諭許其自新二酋

悔罪抒誠詣營歸命以六事自贖經略宣布 盛德受

降班師桴鼓不勞膚功立奏蓋敵愾之後軍猶在中途

而振旅之前旌已返內地矣捷 聞晉大學士爵忠勇

公 御製碑文勒石太學以昭示無極慶賀禮成遐

邇歡悅 臣備員 禁近親見 指揮謹撰平定金川詩

一篇以獻凡千有八十八字具道 聖天子武烈文

謨明良喜起之盛雖詞遜管人而事高往古傳諸簡冊

庶以揚扃我 國家赫聲濯靈於萬一焉爾其詩曰

皇臨六幕赫赫明明陽開陰闔秋孳春萌有遠而賓無疆弗

庭孰恃蓬質以扞大刑西南絕徼下豁高峭踣驅呾咽兔窟

蟻封涿沫遐擱以長以生跳踉自適乃忘其形狼奔豕突厥

隣是驚彼靡弗支顙我尉候選隸授兵往訶往救不卽厥靡

翻駭而門負隅誰嬰虞人避獸螳臂已揚懼弗蒙宥磨礪指
爪包藏雛鸚巨網空恢神推莫透時曠功稽師勤將逗惟

皇遠覽誕降天誅謂叛無小在梗斯鋤非懲而舍頑則莫
渝爰究爰度運此鈐樞曰予股肱汝宏遠謨汝往俟克汝遂
相子虎賁汝從錫汝彤弧左右文武敦圉之符月在甲子三
日癸丑建旆設旄良辰是取于塞于郊來桓來糾 天子

莅止羣公先後乘以訾黃酌以大斗虎步龍驤相拜稽首載
抗威稜來歸非久爰集禁旅禁旅庖庖長轂雷野高鋒雪雲
八方散彩揚光飛文譔列偏裒纘朗紛紜爰召勁卒目我邊
屯卷甲東來如育如賁威驗秋霜氣挾春溫攬渙執猛動若
焚輪相臣率止是用大誠脩剡戈鋌焜燿旗旆度險如夷颺
驅電邁乃越我疆乃臨彼界乃訓諸司我營我隊有蹶其輿

孰邀以怠乃討軍實我卒我械有淬其鋒孰竄以壤彼焰孰
煽孰誘孰和厠我戎行敢爲詐訛眇眇臨治夷日測則匪旣駢
而誅乃絕盜囹蔡莽葳蕤岵厓岬峨倚依歛碣壘石是窩龜
縮蛇伸蜂房螯窠霆擊山鳴堅摧峻挫外潰以莽中慄而掉
彼氣斯僞我勇肆募涉踣蒙龍騰凌亂陣相孤虛軍環票
兆白羽蜚叢赤輪響爆羈馬腸睽儻束蹇蹕何阻不踰何幽
不竅旣選摧鋒將移大纛匪枝匪梧無寧盡劉笞痛而警惟
生是求負殼藏跽遭訢吶待命孔瘼如魚挂鈞相曰非誠
期乃重尤旦夕爾俘奚慝是畱惟爾探威戕隣樹仇我仆爾
梟用綏彼柔草牘師中達於帝聽請覆其巢請訖其命
無俾遺育以狙不其弋取在穴孰云可縱相厥山川審茲涂
徑簡銳而往算則有勝無我費畱勞瘁我衆三旬曷淹一鼓

斯定

皇容有侏顧瞻咨嗟予怒狂醒子閔窮呀弗赦弗

圖具燼於燬曾是穀觶而斧鑕加予惟安人非武節誇子奉

慈音是訓是嘉汝其遄歸有競鼓笳息乃鷹揚來相子

家相布

皇言風行汗渙貸彼游魂許以革面凡我三軍

勿虓勿悍式和爾容歸承帝眷有憬之魁跂行闖現魚瞰

雞睨出於笠圈侏僂睽睽有辭有獻喜溢斯陶悸餘猶顛虎

臣矯矯提攜以來取道彼衝靡慮靡猜翼從馳驅結束輶馭

翊翊蠅蠅雀躍兒哇造於中權膝屈額墮戴費銜盟牽牲薦

疊感發漣洏悔深歎唉六約有嚴敢乞相裁相曰來前爾無

怖苦

皇有恩言施爾罪罟爾田爾宅爾族爾聚爾約我聞我

弗貨取賜以鱣帛啖以酒脯舍之軍中如焉圉圉少旋而舒觀其

蹈舞乃告成功班師振旅振旅輶輶露布以傳

皇曰休

哉錫福汝駢疏爵酬庸庸自相先豹尾雙綏衣袞圭桓相拜
稽首 天子萬年稱賀論功歌詩肆筵祇謁 寢陵明
禋用虔樹石成均旣磨旣鐫磨鐫伊何惟 皇有作如日
斯光如天斯大炳耀鏗錡詩書莫過 神武宏昭 聖文
遠播百爾賡颺載歌載賀五色相宣八音迭和盈耳洋洋飛
騰蕩簸頌我 皇猷美我良佐佐 聖以靈膺力方剛
爲元爲愷爲召爲方旣定遐胤思日贊襄獻壽 慈寧弗
祿穰穰 大孝尊親 徽號用彰靈契神符烏奕鴻龐聲殷
地絃輝燭天閭式於九圍億載無疆

題澄懷園八友圖

久結金蘭契同殷翊贊心勤拳分講席蕭灑共芳林煙樹瀛
洲景風簞韶護音西園圖雅集應遜此高深

自領成荒落名賢比屋居月川晴理棹花塢夜攤書分袂趨
華省鳴珂到直廬不須論主客泉石列簪裾

陳浩

字子濶昌平人雍正二年進士官至少詹事有南游草

蒲褐山房詩話先生少日輩聲詞館與趙副憲大鯨李編修重華諸賢善錦齊名
其子尸部君本忠與余鄉試同年故入京晉謁先生以子弟肅之生平兼工書法
得蘇文忠墨妙爲余書者最多四十年來遷徙遺失僅存一冊蓋壬申春
典試南行所作也尸部兄弟皆早歿詩稿不傳而都下亦無知其工書者

飛來峰

衆山環兩湖皆以淡而妙茲峰獨怪奇壁立聳羣峭梯空臂
難引吹簫穴能嘯青蒼盤松檜瑣細雜蘿薦其下爲冷泉門
石恣騰趯有亭翼然臨俛仰便登眺旁尋得洞戶深入窮窈
窕直穿山腹行上徹天光照誰參造化工鑿破混沌發白古
名飛來此說或非剽天欲壯此湖靈鷲分半嶠至今鸞翥勢

猶見神尾掉將老獲斯游俗病冀可療徐步下山橋溪花向人笑

周立厓侍御以所刻坡翁書清虛堂雪詩見寄卽次韻題卷尾

坡公眼空恒河沙下視凡筆如蜂衙偶然對雪揮醉墨十指拂拂飛天花豪情奇氣兩鬱勃杜韓顏李同一家神呵鬼護七百載墨采照耀金輪雅立厓侍御有古癖欲爲藝苑留瓊葩搗成新刻遠寄我見之技癢不可爬我嗜公書嘗苦學如飢思食渴飲茶梁園寒夜百展玩不覺漏鼓聞三過臨池那無千挺墨惜哉老矣空吁嗟清虛之堂在何許栢臺雪照霜天霞

渡揚子江

瓜步湖初落，春颿趁曉風。雪消江草碧，日上海雲紅。重鎮依天塹，中流起梵宮。濟川吾老矣，倚棹興無窮。

山陰舟夜

客行初入越，恍似鏡中游。風月來清夜，溪山送小舟。翠櫓寒竹淨，香動早梅幽。已近齋居日，忘機對暝鷗。

遊蘭亭

晉代羣賢蹟，風流宛在茲。欲尋修禊事，不待暮春時。古色看修竹，清流到墨池。行厨知有酒，先酌右軍祠。

巖遂成

字松瞻號海珊烏程人雍正二年進士官嵩明州知州有海珊詩鈔

馬文豹公策草辨疑書後

入獄集少陵手書詩二百從容赴柴市千秋弔信國

文山在獄中會集社

詩

馬公曠代起蒙難究心畫疑辯信乃堅守臣當死職引脰

絕粒時蒼萃十二冊異同晰秋毫一字一箋釋侍姬亦斌媚
楷法淚痕積閤門無吹火燐青鬼其宅遺書誰護持裴池述
祖德幽囚緬四載展卷我心惻此筆如卓犖生擊朱泚賊此
墨尙流血溼濺嵇紹軾同時范忠貞淋漓炭畫壁閩粵遙相
望對勒平原石

遊蘇門山百泉出此山下

蘇門山痺隘濯濯無顏色孫登鸞鳳嘯縹緲霧空碧風雨颯
中天百獸爲之匿臨眺動羣疑虛名若浪得而我不謂然闡
微貴撫實此山空其中上土下則石萬竅搜天根一綫貫地
脉靈氣縈繞之源源通不塞運濟衛河流濫觴鯨縫坼其功

助灌漑其害謝沖激倒浸玻璃屏山固兼水德嗒然不自明
惴惴道用默受侮於目論甄藻賴寶識朗朗見山心白雲澹
夷懌清輝名開良復佳試泊張融宅

高梁洞上灘

萬山建瓴水直下勢懸溜而故屈折之拗怒毒愈厚呀然立
洞門夾束氣不透穿罅鳴鳴箭殷空牛吼樞濤春堆疊雪漩
撇蹴衆縐船尾如曳龜船頭仰舒味錯然不受篙支左先詘
右中心起鐔鏐大聲呼疾救跳珠溼滿身手與霹靂鬥負索
腰環環邪許聲應候米鷁防退飛吳象忌反走蟻旋磨山險
喃喃口詛咒不敢問前灘憊矣胡多又

易門水城爲黃舂齋明府題

易門因山爲城小而孤大龍泉環之而山上無水昔蒲攻城必過泉

使內坐因明季王公國熟知於西門爲重關水從地道入爲備禦計存齋明府今重修之民並祠焉

平川浩如海中央浮佛髻高八九仞餘圍以三里計城削趾
爲塙雉堞齊堦砌上無多屋宇下山憊水遞卽維大龍泉長
流易灌溉苗民數甿忠長圍規便利土斷徙其流喝者坐待
斃經始明王公諱附重關峙大礪引脈使暗通濫觴竅潺湲
歲久石頽圯修築君善繼居安思預防內捍釋外懼昔聞漢
將營揚水敵退避米臣鑿清澗深觀井養義一水之有無攻
守所關繫用敢勒此銘報公祠永愆

紀石樓令袁梅谷瘞蠲饑事

石樓古屈地崇禎四年閏臘渡河入劇屠剿距今百有餘年矣庚戌

夏醫西北隅忽露一枯樹饑餓之蠲次節比鄰鎖剝缺爰瘞之義家旁勒石歲
奉祀弗絕焉余既嘉其事又重悲乎死者之姓名湮沒不可考要皆生不辱於
賦而死則碧血一抔何莫非勝國之勇夫義婦也詩以弔之

晉封夷吾地迺今石樓縣縣小山爲城居民皆逃竄石田廢
春耕土穴斷朝燹隔河近米脂劇賊首發難吹屑兵搜半獻

鐵築京觀百年槎牙級瘢瘡漬刀箭是皆耻生降忍死就塗
炭女不受賊汚男不受賊亂中宵風月黑啾啾聲達旦里居
旣蕩析子孫亦糜爛誰復與招魂春秋澆麥飯袁君莅茲土
撫循法稱善餘波澤枯骨幽魂雪煩怨朱囊白木押棗附義
塚畔而我想當時賊勢遠博戰出入河南北晚登未央殿淋
漓人油炸流毒天下遍安得百袁君遂爾首邱願鬼亦異遭
逢望空發遙嘆

飛雲巖

天公切石如切泥搏之挽之分刀圭亦復琢雲如琢玉巧匠
雕鏤納山腹呀然一口中穿空其下湧綿擘絮螺髻何蓬鬆
鍾乳滴成石變相鱗鬣森動雷而風咸與雲氣相追從當前
矗立太華蓮花峰儼如三島浮白海上蓬萊宮傳聞巖性忌

不潔往往呼泉一洗滌官中那有清淨身杉槽漆斛名無實
既來未便太匆匆滿飲僧茶消水厄

由坡貢之郎岱

望遠峨峨冠切漢衣襟霞舉天之半經宿崎嶇目已迷雲烟
各自開生面一峰暈近若舊識乃是三日前所見以身盤磨
蟻穿珠左縈右拂香爐篆高履星行下窺井轉眼之間凡幾
變區田隨勢列等差如規曲尺如畫線什什伍伍不成村殘
梨在樹落微霰風無定所歷亂來畫眉聲碎彈翎怨

渡盤江

盤江源出金沙江自烏撒入懸奔瀧踰二千里流益怒影砂
磬石以力扛尸浮鼉令不知數天塹畫斷蠻夷邦始焉貫組
三十六兩崖雲棧橫空絡有風撓之鐵則鳴人到中央濤浪

湖海詩傳卷三

夫

作後來改制橋落成巨材排比雁齒生銳頭而上牛門角大
鵬背橫空行幃以板屋夾欄楯琳宮梵宇交回縈積日累
月計程度鬼神助役工非輕豈知迤西有僻路含易就難前
事誤花河奪鮮名地黃草驢赴滇較近日無暗直從莊躋至於
今地老天荒局鑄固偉人 帝錫勦奇功屹然坊建西林

渡江寬等丈水安流昔遁新獲罔用泗陰平間道取鄧艾盧
龍絕塞規田疇鼉鼉爲梁烏鵲駕遙此平阪來夷猶省水衡
錢民利涉棹歌一曲飛輕鷗

蔣別駕芝岡招同費副使懷谷戴孝廉閻成上舍光
林遊陸氏水木明瑟園二首

十畝無多地到來如許寬池深魚氣靜樹密鳥聲歡淺碧侵
琴薦輕陰護藥欄小長蘆去後山翠至今寒

乞與天隨子此間銷夏堂虛雲不去山近雨先知種竹新
成个浮蘋亂吐絲便無花亦好况遇有花時

常山旅夜

江館雲陰合青燈耿夜闌櫓聲離岸小山氣壓城寒樹老鴉
棲穩泉枯鹿飲乾草坪

離常山四十里
興玉山交界

明日路細雨濕征鞍

楊州春日

竹西自古繁華地况是風光九十天紅杏一枝春店雨玉笙
三疊夜樓烟隔江燈影迷歌館吹岸衣香過酒船好夢撩人
歸未得拂城楊柳亂啼鵲

宿許天植見山樓

綠樹疎燈落燼遲夢醒如中薄寒時風通花氣全歸枕月轉
樓陰倒入池如此夜深猶有笛可因春盡竟無詩開門便赴

李山約酒熟茶香短簿祠

蔡忠襄公祠

飛度黃河勢已成但憑一掌守孤城三千兵帶飢寒色百二
關傳慟哭聲報國不能生殺賊殉君何用死畱名遺祠蕭颯
橫汾曲夜夜泉飛白鶴鳴

公葬時山泉忽飛出白鶴繞墓

紀俺荅欵塞事懷明王襄毅公二首

余分修山西通志見俺荅屢入寇前後死二百

餘萬人白襄毅受欵遂明季不變然始多累議而主於中無其後者功俱不可沒也

城郭豐州帝制雄鈎聯三鎮潰雲中扇吹石勒溫藤嶺血浴
高歡避暑宮奇貨歸來和始定名經請去貢長通相臣新鄭
主議民休息宋事虛徵葉夢熊

不信漁陽笑騎驪連年膽落鐵浮圖奇功忽逸桃松寨小勝
惟誇收麥湖海若何心邀祭典關氏有手握兵符西方以次

皆歸歎衣賜紅獅老把都

事詳韃靼傳

曲峪鎮遠眺

時西陲方用兵

地近邊秋殺氣生朔風獵獵馬悲鳴鵬盤大漠寒無影冰裂
長河夜有聲白草衰如征髮短黃沙積與陣雲平洗兵一雨
紅燈溼羊角魴魚堞火明

前明邊境掛紅燈其上魴魚皮爲之膠以羊角雨溼不壞

三垂岡

英雄立馬起沙陀柰此朱梁跋扈何隻手難扶唐社稷連城
且擁晉山河風雲帳下奇兒在鼓角燈前老淚多蕭瑟三垂
岡畔路至今人唱百年歌

姚礪圃徵士

聽斷蓮塘夜雨聲

與從兄意田同居友善

歸遲只爲嘆虛名才華見許盧

思道規矩難繩補正平珠帕簪花三館夢錦衣泣月十年情

湖海詩傳卷三

在禮館最久書
十上三中副中

洞庭葉落秋將老渺渺愁予與目成

銓舉長沙二尹
將行了內艱

秋夜投止山家

山當而立路疑窮轉過灣來四望通涼月滿樓人在水遠
船着地樹浮空熊羆之狀乃奇石鸛鶴有聲如老翁清福此間
殊不乏可容招隱桂花叢

齊尚書泰黃學士子澄

龍虎山高北燕翔兵聲藉口罪齊黃忍因發難誅鼂錯恃以

成功相李綱一死報君猶氣節兩人誤國共文章

齊國夫卿試第
一黃會試廷試

皆第一與
齊河榜

金川門敗宮中火漫指西南路渺茫

史閣部可法

鼓聲鈴閣夜驚眠縞素孤臣茗飲年一死平生文信國千秋
奏議陸忠宣國殤有母呼遠鶴家祭無兒拜杜鵑淚灑隔江

埋骨處梅花斑竹黯春烟

穎橋弔李元禮墓

碧血千年化水濱回天力盡遂亡身知臨虎穴櫻常侍忍仆
龍門負黨人覆轍可堪勢白馬禍胎竟至釀黃巾東林亦遭
同文獄漢碣摩挲重愴神

宿江城晨起卽事

江城鼓歇一燈懸竹葉春寒飲少眠涼笛生於無月夜曉
鶯啼及未花天水邊魚氣濛濛霧樓外山光澹澹烟試問白
銅鞮唱罷近來可有弄珠僊

武定城望獅子山龍隱庵

佛火空山照眼明黔東庵亦白雲生頻煩中使齋香出可許
亡人托鉢行卹典未傳程濟謚

南城卹典追錄王午難
臣頗難無從辨其人

經科不載仲

彬名

政身錄當仲彬以明經
廷試考科貢中無名

先公入晉身逝死賴有長陵實錄成

先司

京兆事澤州
見成祖實錄

山水坪宿尋甸與額觀文明府夜話

滿林霜果落續紛二月花紅正夕懸山與雲依相慰藉水因
石阻得聲聞兵鋒險道窺南戶戍火嚴城駐北軍容易時清
君坐嘯當年滇蜀此平分

東昭二府昔隸於蜀州固滇北戶也烏
蒙山沒戰守時聞至雍正九年始定

李後主

番歌一去更誰聽天寶遺音滿後庭烟氣暗生嬰玉鼎花光
深覆皂羅屏只嫌搗雪無仙爪不信量絲有釣艸昨夜柔儀
殿鐘漏永秋風簾押振金鈴

贈沈樗崖

樗崖字允符宣城人華山水祖壽
民以諸生疏詣楊嗣昌為東林黨魁

白雲長護在山泉與世相遺老可憐黨論舊傳元祐籍門風

私記義熙年蓬萊東海三間屋薇蕨西山一棧口生業算來
無長物摩挲粉本更潸然

題介白亭

送亭三面水如烟好是霏微釀雨天滿袖蘋香將不去夜涼
輸與鷺鷥眠

吳門客寓友人餉鮮荔枝

羅襦白玉出新妝不數人間十八娘四百紅欄今夜笛月明
吹滿荔枝香

荔枝香曲名

問墨莊主人吹笛

金陵入時寓天雄僧舍

一聲入破決雲層蕭寺閑愁寄老僧彷彿秦淮人定後月明
如水滿船燈

湖海詩傳卷三

湖海詩傳卷四

青浦王 利德甫輯

張元

字殿傳號榆邨淄川人雍正四年鄉試第一有緣筠軒詩集

登石門

靈境閼澗曲幽尋及春晝犂角屢環轉險仄逼遷就危徑緣
纖毫梯空得奇構珠龕藏崖窾鍾乳滴巖竇丹嶂劃開豁虬
松蟠烟岫日射冰池明翠染石花繡傾盃倚谿谿幽鳥鳴相
侑天風吹白雲散亂霓襟袖山深谷風寒樹密嵐光逗冷然
洗塵氛曠焉小宇宙暮靄條廻合森沉夕陽瘦淨業信難留
勝遊尙可又夙懷託言詠終期訪靈鷲

太湖海詩傳卷四

遊冶源

風日藹明霽策杖探幽境冶源鬱奇秀言遵溪路永曲徑趁
逶迤峭壁緣青冥連林杳蔭翳絲然叢千頃岸曲春水環亭
高遠山屏紛吾快流覽垂綸思舴艋樽酒煩主人坐對檀欒
影山風倏然來珮環響幽吟森爽淡俗緣蕭寂發深省睠焉
懷昔賢韻與平泉等遺編夙溯洄勝地復畧領盤礴情未極
夕陽已沉嶺莫惜歸路遙吾意愛孤迥

白雲山歌

白雲之山連雲起單椒直入蒼冥間雲來雲去時滅沒嵐光
蕩漾青烟鬢倚天拔地五千仞背臨絕壑根紆蟠清泉一線
迸石罅虬松高下籠琿潏松廻溪轉數隱見幾家村落臨烟
緜我來習靜借棲託恨不馭氣騰飛翰是時空山過微雨松

濤浮翠溪生瀾穿林沿岨事登頓風翻涼露霑衣繁陰崖一
徑垂纖縷捫蘿附葛攀巘屹雲竇嵌空剝疊嶂石溜清冷凝
晶盤巖窮路絕壁面削却下澗底嗟險艱仰見東南垂鳥道
拾級蹶躄腰腳酸徑轉山南更西去峯腰橫截珠宮攢浮金
炫碧啟象教一聲清磬飄梅檀梯空百折凌巔頂崢嶸傑閣
開金鑾上帝高居御羣品雲旗絳節排千官瞻拜出門莽四
顧凌臨頓覺天宇寬恍惚疑有仙人至或乘白鶴騎青鸞雲
中笑語頻招手遺我滿把黃金丹但餐一粒縱超越雲璈霞
佩聲珊珊安能跼蹐溷塵埃坐令白髮凋朱顏丹臺玉室無
消息仰天悵望憐緣慳歸來茆屋卷書坐松風流水空灣環

華不注道中懷邊華泉先生

華泉在華不注下先生墓直其南數里

歷下稱詩宿尚書沈杜儔敦盤分北地宗派啟東州慕道風

煙斷華泉蘆荻秋遺文傳海岱永賴砥橫流

韓倉道中懷李滄溟先生

落日韓倉道懷賢慘客顏詩名猶白雪墟里但青山七子琴樽冷千秋林壑閒惟餘幽澗水日夜送潺湲

蔡德晉

字宸錫無錫人雍正四年舉人官工部司務

蒲褐山房詩話宸錫先生精通三禮常分門別類以次相從採掇鉤貫凡五十餘冊功未竟而沒泰文恭公少與同學得其本而增修之証以歷朝史事補以宋元諸儒之說今所傳五禮通考雖體庵尚書讀禮通考之遺實則據先生書爲藍本今其書割裂之餘無有存者詩亦非所長今存一首而附記其經學之淵深如此

望鄉

龍山蒼翠正當樓水上芙蓉一帶秋雲樹不須遮望眼夢中人在木蘭舟

鄒一桂

字元褒號小山無錫人雍正五年進士官至禮部侍郎
卒贈尚書有小山詩鈔

天柱縣登樓

喜得齊雲倚石開不愁前路有崔嵬何人便說南天柱我亦
蓬山頂上來

彭啓豐

字翰文號芝庭長洲人雍正五年殿試第一人及第
官至兵部尚書有芝庭詩藁

蒲錫山房詩話芝庭尚書以醇德樸行著于朝野而性耽風雅使節所至遇佳山
水必游歷乃去集中句如楊柳春風江上棹杏花細雨酒家樓疎風影動林梢月
宿雨涼生梳外山三經杜門高士跡扁舟訪舊故人心漁唱數聲初出港樵風雨
岸送歸船落月疎星荒店閉西風鼓角成樓寒鐘動遠沉山店月林疎斜照酒旗
風古鐘殘燈明乍暗空庭落葉掃還多三秋風雨添良會五字河梁又別離焉獨
處處芳菲草露市家家近畫樓尋常閑情神妙獨到賞世好爲生濯濯者未能

津逮
也

折柳行送宮贊錢勉耘同年假還婁東

燕京四月春方暮柳色青青挂高樹長條踈地最多情濃陰
遮斷前行路病裏芳華冉冉過那堪送別聽驪歌心憐飛絮
隨風舞目斷高樓夕照多忽憶江南煙景好汀洲夾岸迷芳
草繫得蘭橈喚渡遲泊來野店抽帆早羨君安穩計歸程拋
却紅塵步履輕鱗魚入饌楊梅熟不用蓴鱸動客情婁江帶
水崑山麓瀾迤溪田繞花竹憑君折柳寄相思東風吹夢江
皋綠

琵琶亭晚眺

臨江臺榭鬱嵯峨九派潯陽檻外過帆影微茫銜落照笛聲
幽怨激滄波天涯易下青衫淚商舶爭傳白苧歌待得新涼

明月夜蘆花蕭瑟更如何

楊柳枝詞和宋玉才韻

玉才名樂常熟諸生有雋才早歿

白公堤畔年飛綿三月微陰澹似煙宛轉肯隨金勒騎輕盈
都上木蘭船

萋迷山店拂澄潭送別思攀尙未堪春雨杏花零落盡一株
惆悵在江南

呂熾

字克昌臨桂人雍正五年進士官至副都御史

恭和

御製新修翰林院落成得見字

文教首蓬瀛 鴻儀今創見鑿坡楹桷新瓊榜星雲絢廳樹
颺龍谿亭波涵雉扇欣瞻 日采臨特重珠衡眷雅韻發
金聲華筵羅玉饌卿僚載拜賡千古傳詞院

楊錫紱

字方來號蘭畹清江人雍正五年進士官至漕運總督
謚勤懃有四知堂集

蒲楊山房詩話先生清標直節爲在廷諸老所推督漕運時嚴飭沿途毋需索毋留滯又體恤旗丁以及押運各官纖埃不染使得迅速通行故數十年來論漕政者必舉先生第一生平不以詩名而所作清新疎秀書法亦工歿後人刻其書以行世

梁王城

寂寞荒榛裏巋然有舊城烽烟千古劫草木萬山丘壞堞餘
殘照寒鴉落暮聲年年迴棹處憑弔不勝情

安東作

近郭河聲怒沿灘草林多清宵聞雁驚白日走蛟龍補救功
需亟瘡痍氣若何誰膺司牧寄高卧盼庭柯

夜冊

入夜鍾吾道微風一葉舟徐吟遲月上獨坐看星流野濶煙
無際波閑釣未收逝將謀小隱生事老羊裘

夜意

河水明如練風帆靜不張蟲聲經露濕月影渡波涼計日秋
將半懷人夜未央小山看漸近到及木樨黃

夕陽

一棹秋風裏行行又夕陽還飛鴉影亂罷舞柳絲黃客意銜
山急帆陰卧水涼何人方獨立覓句向蒼茫

出臺莊閘作

帆挂秋風葉葉疎臺莊一望半蓬廬倦遊客類還飛鳥出閒
舟如脫餌魚嶺外夕陽銜欲盡河邊柳葉落還餘風烟是處
供吟興行到江南想亦如

七月二十八夜坐

歸帆初卸棹歌停漠漠涼生草露零正好夜來無月上水窓
風細數流螢

螢

風前雨後往來頻入幔依簾解近人剛有流光能自照已忘
腐草是前身

查園

花枝落盡畫簾空亭角蛛絲半網蟲只有青蠅仍抱樹盡情
啼到夕楊紅

楊柳青

五旬風露歷朝昏尺寸河流日較論只有海潮循舊約迎人

先已過津門

天津潮直
到楊柳青

梁詩正

字養仲號蕪林錢塘人雍正八年 殿試第三人及第

官至東閣大學士贈太傅謚文莊有矢音集

蒲褐山房詩話公居正陽門外楊梅竹斜街內清勤堂蓋 御賜也堂前有疎初齋前隔牆蒲荷翳然其南以青乳名之公充續文獻通考總纂屬子司編校常宿其齋每口處戶蕭然自諸司畫諾外更無停轍進和 御製詩勿違廟制必蒙嘉獎子異之公曰昔蘇文忠公善次韻每遇艱險處恒以營偷出之是以信手驅駕毫無窒礙意氣得此秘故能游行自在天然湊泊耳公歸養時與趙意林相倡和且于自書之士人以爲秘寶杭董浦編修跋云如瑞林玉樹高出雲表洵然

奉 敕賦青蓮朶 按前宋德壽宮卽今宗陽宮宮中舊有青石傍石有古梅一株今不復存 上南巡頤懋賦之嗣

大吏移送京師 賜名曰青蓮朶并紀以詩

蒼涼南渡荒故宮孤峰削立青芙蓉薛苔斑駁琳館廢忽超凡劫歸 瀛蓬花網良嶽不復見誰念飛來雲一片冷分黛色南屏腰遠映清瀾西子面此石經今六百年窟窾不受神工鐫却陋平泉莊裏跡差肩太華峰頭蓮緬昔梅花石邊吐

石不能言花解語花殘留影照春風寂寞相看共媚嫵卽今
重荷 天畀存翠膚新著摩抄痕遠致雖非 聖主意

珍異何啻儕瑤琨昔溷塵埃今苑圃瓊華臺石姿相遭仇池
雪浪詎足論甲乙居然稱_{去聲}皴瘦一峰窈窕浮烟鬟明窗淨

室當孱顏同時異物嗟流落研山筆格空人間嘉名肇錫

新詩賞苑枯頓令殊今曩不須更憶監瑛圖爲檀梅花恣
供養

意林同學友屬書賜錦堂記以詩來謝卽次元韻

百城擁處擬侯王鉛槧窮年髣髴早蒼巖賦乍蒙稽古力待徵
命作校書郎錦頌 內府榮儒服記勒貞珉補草堂傳諸孫
曾勤肯搢 君恩霑逮可能忘

再疊前韻奉簡意林

烏衣自昔美諸王秋水遐思葭菼蒼蒼頤有青緇堪補史

意林若
有隋宋

雜事

不妨白首未爲郎說詩客每勞前席問字人多到後堂

謝

吳興王山
題咏有刻

贈答卽今成韻事他年吟社莫相忘

征衣

紫印
御製元韻

聞道長裾不利趨

見唐書

況隨行獵歷川塗短衣佩劍風猶在

羅

缺勝從軍制未殊

見唐書
高祖紀

已喜跨鞍輕雙鑣不憂舉步碍榛蕪

書生鞭弭周旋處也製征袍與衆俱

地竈

軍士爲食資火地爲竈
擄金銀於上以資營生

依山列幔隨疎密因地爲鑪各淺深穿穴不須陶冶直拾薪

端可溉烹鬻升烟遙結千廬白移壘空存萬突黔漫說風餐

兼露爨自來增減重韜鈴

奉

敕題畫

仿趙孟頫

綠樹濃陰清暑青山暖翠浮嵐水閣平開溪北人家合是江南

山寺遠鐘未歇烟村宿靄初收最是鷗波館外生平寄興滄洲

孫頴

字載黃號虛船錢塘人雍正八年進士官至通政使有

道盟齋集

蒲褐山房詩話君鳳陽清修兩任屏藩名聲震天下倉汰光祿相埒入爲京卿以品詣入直上書房故常隨木蘭秋猶退直後歸帳房遇山泉清涼必取而煎之論以龍井芽茶招句山太僕及子並駁之絕詩經歸輒以爲常其清寒幽峭不異老儒生也

咏撲滿

西京雜記鄒長倩遺公孫宏撲滿一枚因寓書示戒

曰撲滿者以土爲器以蓄錢具有入竅而無出竅滿則撲之士麤物也錢重貨也入而不出積而不散故撲之士有聚歛而不能散者將有撲滿之敗而可不戒與云云唐姚元崇有撲滿賦

有物工斂財厥功利搏土名卑貪夫愛賈陋良治侮守口深難窺吸箕仰有取六州鑄錢愚一竅穴金鴨形模偃鼠微罾腹怒蛙鼓幣納周景千瓶投漢鉢五情聯方兄新筭用姪女數挂杖看阮孚繞牀詫夷甫滿簾笑遺經長袖比善賈豈意歛器危不堪墮甌撫唾壺缺一朝玉斗碎終古混沌鑿忽開膨脝脹何苦速刪錢神論大戒皿蟲蠱盛滿厲所階脂膏怨之府苟懷焚身防或較噬臍愈東閣平津侯西京媚臣祖故人託諷規忠告敢傾吐布被飾清聲金門踐華廡廁名兒董

湖海詩傳卷四

七

儒發跡羊豕伍撲滿何心哉寓言不無補

和陳句山舍人作

五字哦佳句蕭寥味共嘗有情惟酒醺無分是春光官冷言
愁易鄉遙遺夢長聯吟謝何遙枉瘦沈東陽

商盤

字寶意號蒼雨會稽人雍正八年進士官至順寧府知

府有質園詩集

蒲褐山房詩話寶意胸羅玉笥筆有錦機本以詞林乞為郡佐久居白下儲有閑
情常得趙姬小婢解臂玉蓮環為贈易名環娘以中秋夕隔舟轉之未幾玉環
摧悼亡屢賦中如髮影憶簪花第一周痕泊見月初三舊居鷗鳴曾呼我國帶驚
驚欲付誰錦機未斷纏綿細羅襪還留和淚應誰與修書添半臂欲煩妙筆盡全
身皆令人欲喚奈何晚得小東又有句云恐是玉簫橫宿債偶從錦瑟依年華未
可楚腰繁掌上試將吳語教燈前時人吟詠以為元稹杜牧之比不知其才情橫
厲出人於元白蘇陸諸家足以雄睨一世也君美鬚眉善音律衣冠修偉狀如古
仙人其出守雲南予輩僉於羅秋桃陳雨樓作古詩五十韻送之又明年予至永
昌君已歿於順寧其從姪將護喪歸粵後生平
索為墓志雖屬稿應之然不得其詳常以為憾

攔江磯

長江如修龍蜿蜒向東下庚神不能鎖其勢實雄霸天帝勅
六丁挾石爲堰壩千尋亘縱橫萬力防傾瀉赴海得停機約
束勞造化陽侯謹受命違則罰無赦我行秋冬交水勢殊少
謝圭角露危磯彷彿虹梁架百繩挽一舟有帆安敢駕長年
老解事快從急溜借始知天地間利鈍爭一罇鎮躁免險巇
解紛在閒暇卧看江流安明鏡光新硤

石門

石門最高頂勢壓列岫低鑿開一混沌劃破雙虹蜿蜒連坤
忽斷圓壁方爲圭至寶謝雕琢化工呈端倪老樹不知年懸
崖安可梯幽瀑貫其腹匯成九曲溪數折入深洞厥狀如覆
輓蒼茫出元氣虧蔽垂憫慨石髓凝不消斑斑青紫泥惜哉

靈秀窟遠落蠻荒西往者漢昭烈兵敗於此栖代移疆索改
圖志無從稽絕景不沿革殘碣猶標題嗟余慕邱壑抗走露
塵壁眼明忽睹此勝刮黃金銚閭苑現樓臺武陵聞犬雞雲
霄若士竦物論莊生齊茲游慰夙願柳標當重攜

東門關

暮陰忽四垂窅窅日光薄爰築東門關勢向馬前落拔地有
千尋去天無幾握峰作牛毛皴路爲犬牙錯碧澗貫琤琤蒼
藤挂瓔珞怪木如老蛟伸爪肆拏攫難通漢使車欲借秦皇
鐸五丁力已勳知是何人選在昔高羅司種類此棲托舞干
文德敷納土苗民樂世泰息烽烟時雍莫疆索美哉撫撫原
盡屬 天朝拓

瀕行友人索觀入都近咏賦答

昨歲來潞河停橈訪吾友同心托蕙蘭芬芳真可久詹詹紀
程詩棄遺輕做帚旅人愁善鳴長者愛忘醜蟹螯味無多羊
棗嗜亦偶聊當楚騷讀如下漢書酒鍾呂君素聞何貴乎瓦
缶茫茫塵海中賞音遇誰某謠詠蛾斂眉支離柳生肘頗思
結習除香雨歸烏有楊柳常自韜丁儀求不朽矜慎與質疑
其意皆可取方當典學 朝搜羅到林藪鴻羽漸雲達魚鱗
依左右曩列供奉班愧非雅頌手報 國薄詞章寧須採小
酉此卷不足觀請君覆醬瓿含意分袂申驪駒在門否

彈子磯

何年巨靈掌劈開混沌石神工出自然皴染淨無跡嵯峨一
卷小勢與羣峰敵蒼浮鵬鵠騰黑覆蛟螭蟄嵐氣與雲光深
入古潭碧還丹誰所成惆恍衆真集老仙去不回留此青鸞

翼五乳七星巘到眼堪一擲我有邱壑緣相看似曾識翠屏
宜晚對金烏忽西匿擊汰始興江春流浩無極

摩天嶺

偉哉挂榜山本號摩天嶺象伏與龍蟠相對爭秀猛

象伏龍蟠
兩嶺名

上可捫星辰下或起雷霆

上聲

巘石皆俯垂如木怒生瘿美者

雙髻鬢鬢臨鏡整其色黝而蒼不辨黎雲影全身肆撐拏
元氣結肯綮不圖絃綆外乃有此奇景交州古荒服久爲中
國屏守者受法疎天心遂恹恹特將青蟠蝨化作千尋纆用
以截華夷有寇不須警我朝威德敷駘越猶鄉井防邊刁
斗嚴專閫貔貅領鼠害毋他適鯨貪絕吞并蠻情久已安貢
道休教梗茲嶺變康莊會向昭融請

除草

杵氏載周官翦燎乘時候單子論陳侯道弗國有疚矧茲荆
棘叢蔚蔚迷昏晝草竊古所防何分人與獸治草通治民其
理當深究稂莠未完除嘉禾安得秀不斷將養奸姑容卽藏
寇我行磽确閒一望驚紛綠任昉愛春游杜甫識冬狩身爲
司牧官施設在成就亦知興與革從容無取驟奈此曠土多
墾田勞鋤榛倘非無蔓蔓何以施畊耨燎原真上策炎炎功
易奏卽事成短章晚憩前山堦

五課詩

棲身十畝舊學圃農出守一麾新逢吏士至於家難
每念羣兒偶當退食從容各賦短章勸勉課分五等
時屬三春有水曹官閣之陰無山簡習池之醉采風
行部正宜治事如家獨立趨庭敢信愛民猶子撫衷

自愧考績何優用質同人毋譏拙宦

課耕

我本舊知農半生以仕易常祿雖濫叨未敢忘民力治郡首
田功厥土分肥墾何種宜高原何種宜下隰布穀已頻催九
九犁耙飭乘茲春令和相戒毋休息指日具壺漿來就畊夫
食

課圃

少陵在西川菜把園官送何不勤灌畦抱此漢陰甕芋區應
候鋤瓜時及時種厥味旨且長口腹非云縱堪作王公羞亦
爲賓客供鄩夫無遠謀斯意非嘲諷

課吏

惻惻自無華古稱廉靜吏有餘補不足當以日月計政或拙

催科心其勞撫字許丞原未邁尹公嘗請試掾屬有通才瑜
不因瑕棄孤賞出風塵靜觀屏浮議托身俯仰間未可隨同
異廉部告鄉人二天何足庇

課士

昌黎在潮陽子厚居柳州各將教化著能轉文風優 熙朝
振鐘鼓遠不遺蠻貊茲郡雖荒僻黌序人才收所學敦本原
經明先行修悞此希世珍佇待側席求太守老腐儒耽書親
校讐菜苴如問字載酒元亭遊

課兒

正月硯凍開童幼入小學勗哉紕綺年沈潛遠浮薄積墨遺
後昆溫公意有托我子十齡餘孫亦非總角訓課不及時將
成乃翁錯延師啟東軒近傍籌邊閣畫長功課了庭花紅未

落好鳥忽飛來丁丁動鈴索此時讀書人應識讀書樂

題八蠻進貢圖

李白昔成明堂賦間立本繪職貢圖其朝有位貢有物篚篚
紛錯衣冠殊誰歟狡獪作此卷南蠻北貊形貌儼番部君長
偉丈夫鬬賓纈錦纓其軀腰間玉具雙湛盧後有從者走且
趨大秦之獅大宛馬文犀香象同馳驅其餘葵雉非一種迢
迢重譯來通衢異物寧爲天府貴包茅要是王家須東鸛西
鰈紀封禪元龜翠羽垂史書丹青雖戲關國典荒服不至非
宏模我朝 御世邁前古昇平河岳呈苞符蘇祿梯航歷山
海高昌弟子沈生徒華夷一統大無外六街雜遝聞僑侏中
原自有麟鳳現萬里禽獸輕錙銖憶昔侍直披香殿親睹苑
藪游騶虞作歌作頌揚上瑞寫生妙手煩曹吳子牟闕庭久

猶戀師古王會工難募君不見兩階文德今覃敷勤兵服遠
何爲乎

李猷搏鷹圖引

道君畫鷹擅今古誰歟匹者宋李猷今觀此圖洵神異素練
八尺橫高秋艸枯木落原野曠鷓鴣累百離絳韞此鷹一出
振林莽雙翮未動獐狐愁爾時何處得此態毋乃射獵南山
頭雄材志技散天下乘勢必與風雲謀廉頗不用在善飯李
廣已老難封侯雲臺紀功二十八就中豈盡揮戈矛名鷹勇
畧比名將氣象自異羣鷹儔 國家承平少征戰田車千乘
行苗蒐此鷹才大必有用但擊凡鳥吾所羞安得晴空盡梟
鳥坐使鸞鳳來同遊

棲賢舍利歌

梵書八萬四千塔誰其造者阿育王衆靈雜選供役使分置
國土隨神光其在震旦十有九就中一塔存南康內有舍利
十一粒昔時埋沒今收藏瓶是玻璃盤玳瑁人上出土全不
壞百鍊終完寶勝軀五光遍徹兜羅界閭扶月照影逾寒優
鉢花籠形轉怪聞者不見見者驚蒼茫歷劫知何代老僧向
余言因緣古塔建自咸平年摩尼之珠未遭燬遂從西麓歸
棲賢其大如豆小如粟長有寶氣騰星躔作銘作贊永無極
不逢鉅手安能傳我昔曾讀匡廬志復聞此語真奇異熊軾
雖邀一命榮鹿車原解三乘義放筆初成舍利歌重遊定作
棲賢記君不見宰官說法天雨花人間何處非初地

投壺歌

投壺之禮古所垂賓筵酬酢樂有儀踰言偕立著深戒義取

正直非新奇今朝張燕習嘉禮兩楹羅列無參差立馬以三
挾矢四諸廣登降肅不飾嗟余好古生苦晚魯鼓薛鼓亡其
詩張氏作圖卜作律舊經新格何人知分曹尚德不尚藝但
求命中良可嗤是時深院日方午酒鱗浮動黃琉璃銅韻鐸
鐸振庭樹疑有落葉飄墮墀丈夫懸弧本素志會須手靖西
南陲弓矢載橐永不試太平高會無窮期

題林良九鷺圖

一鷺振振瞻向天一鷺仰視欲上鶩一鷺戍削寒脊旁立
一鷺一足拳中有雙鷺斂翅眠不飲不啄神氣剽最後三鷺
行不前羽族亦有遭迍迍飛鳴宿食野態全誰與狡獪丹青
傳運意長在運筆先寫生妙手真天然秋深夢入寒塘路葦
白葭蒼不知處

以俸米餽高妙主人系以詩

高妙主人冬掩廬枯藤敗葉盈階除典衣常貰少陵酒乞米
嬾作平原書翰林一官清似水臣朔年年飢欲死便學侏儒
將奈何自憐骨相宜如此薄少貽君君勿嗔加餐善養苦吟
身裏糧略可充三月救死何勞具八珍他年拂袖銅駝陌夕
葵秋樹高人宅一片黃雲弄晚晴讀書負米真良策

題番騎圖

邊城吹角黃雲起番馬番兒見獵喜幽燕不作畫圖看逐電
追風儼千里一馬昂藏如欲鳴數馬勃率驕不行就中怒馬
忽奔逸能使突兀高原平雲錦成堆誰第一驍騰都入曹韓
筆合圍臨陣兩縱橫人馬同心勢無敵 聖朝駕馭盡英雄
緝塞年年奏武功已見助綏番部順豈徒舉手射夫同赤狄

烏桓連大漠書生愧少平
羌畧惟將老眼相驂騑
一過空羣同伯樂鳴呼健兒慎勿誇身玉
苜蓿蒲萄中國有樂府爭傳似儻歌
關氏且酌屠蘇酒

苗刀歌

沙渠土司悍且豪大爲容美小散毛
納地久降諸尙長尙存苗種懸苗刀
此刀出匣三尺水吳潭素練翻秋濤
春鷗長尾自皎潔鷗鵲安用尋常膏
蠻兒矯健逞身手累年剽掠橫相遭
官軍緩攻議勦撫居民雜處思奔逃
留茲利刃經戰鬪往往深夜聞鳴號
卽今向化買牛犢兼有就學嫻風騷
朝廷德威加四海合兵不向臯蘭鑿
羅平妖鳥避鷹隼大死天馬隨蒲萄
東南自充財賦藪零星荒土輕秋毫
莫安有方賴守牧奸宄何自潛蓬蒿
孟勞伏突本兇器昇平盛世宜藏歟
寒

光如髮照無寐起看太白西方高

松雪硯歌爲童初五弟賦

名士愛硯如愛玉肝是騅駟眼鳩鵲百錢入市得奇珍朝夕
摩挲看不足形模旣古質性溫斷紋隱約疑蛇腹涓涓一勺
水凝池內有多年墨蛟伏此硯曾供松雪書自宋相沿閬陵
谷我聞承旨在吳興妻爲仲姬兒仲穆家學能傳騅駟圖墨
痕徧洒蒼筤竹趙社遷移元運昌隨身老硯無翻覆同時亦
有玉帶生慷慨西臺留慟哭身當歸隱焉用文物不磷緇豈
非福烟零雨碎易消磨幸落吾家老同叔拂塵啟匱石聯交
對客揮毫雲滿屋白壁休誇十五城紅箋要展三千幅大德
重論舊歲年良工且免新雕琢與君洗滌試耕耘開凍還將

家課督

四民月令正月硯凍
開命童初五弟

恭紀

聖駕口外行圍

聞道秋行獵從來日用剛三驅服虎旅七萃盡龍驤綵仗移
芳甸期門整貝裝從臣誰第一染翰賦長楊

萬乘應時行秋高右北平巫閭蟠重鎮長白拱神京列辟趨
金鳥虞人植繡旌中原燕天子徒御不曾驚

山海鳥孫外星辰紫極中省方疆索大舉擘射夫同苜蓿秋
還碧燕支晚自紅從今輕駟鐵不必採秦風

允塞兼文武聲靈暨朔南助綏驍將集辨物獸人詣梓嶺高
無際蒲泥遠更探左賢遮道拜率服不須戡

畫帳圖熊地雕弓射雉天盛朝誇羽獵宿衛選幽燕石鼓

周宣字金支夏后年皇心勤武備應候舉秋田

至治陳干羽遐方貢象犀觀兵周冀北繕塞達遼西風入雙

鵬勁雲屯萬馬齊豐碑宜有頌遙見拂虹蜺

飛騰龍虎氣隱隱出中權霽日頭鵝宴清霜詐馬筵分弓秋
隼外列戟暮笳邊應有屠蘇酒諸王次第傳

大閱陳軍實前朝總不如虞巡傳輯瑞鐫宴咏那居但取平
羌略無勞諫獵書小臣江海隔北望想 盤輿

休道人山房

道人老有道自製薛羅衣清夢白雲遠晚林黃葉稀重尋應
不遇愛此暫忘機十里下山路蒼然橫夕暉

聞蟬

石繖峯邊路年年噪夕陽忽驚新氣候何處好池塘森木雨
初霽古城秋正涼如聞楚天雁悵望一霜裳

題鄭布衣秋郊餞別圖再送史丈

布衣老筆似龍眠寫出旗亭薄暮天折柳幾人同悵別采薇
何日罷防邊帳中白髮依嚴武城上黃雲弔赫連莫問賀蘭
山近遠數行秦樹帶秋煙

贈內子四十初度

憶聽靈鵲報初除九載東華寂寞居典盡金釵供飭屋剔殘
銀燭照修書承恩縱得新鸞詒偕隱難忘舊鹿車珥筆
分符俱不賤一麾休怪出南徐

人間仕宦海茫茫泛宅浮家又豫章五斗偶需腰已折百年
將半鬢同蒼安貧便是宜家策采葍何勞駐景方差勝蓬門
荆布婦白頭未識綺羅香

送潘筠軒編修還越

昇平朝野總

君恩局外閒將出處論結社未應歸白傅

種蔬早已賦黃門一竿遠拂珊瑚樹八口同居薜荔村此去
撫松深閉戶蒼髯勝友老猶存

環娘至淮

迴身宛轉故依然小別重逢似隔年葑餌急須調病後簪環
親與卸燈前但教好月當三五豈惜春衣典十千江北江南
風正厲護花人祝養花天

信步至萬柳堂是前歲亡姬舊游地愴然久之

蹕蹕徐行不覺遙鳳城寒食又今朝地經前度增惆悵人對
芳辰轉寂寥侍史華年傷錦瑟故家別業問雕橋真珠亭畔
斜陽暮翻恐無端拾翠翹

懷淮上程魚門

貴芳

夢到通波九曲邊槐花黃近已涼天豈無淮海閒居集

蔡少汾著淮海集

集

合有昌黎薦士篇北斗望京成往事

魚門兩赴京兆詩

南國殷別又

今年

庚午北有南國殷別

丁家水榭聞歌處凭遍雕闌夜不眠

魚門兩館青溪水閣

秦淮雜咏和所見龍潭旅壁原韻

兩戒江山萬古清刼灰歷盡見昇平後庭一曲堪亡國玉樹從今莫再生

南朝樓殿勝蓬萊物換星移起暮哀寒雨不知歌舞地瀟瀟徧滴舊宮槐

憶金陵舊游

吾鄉放翁在蜀十年曾有所盼歸口每懷舊游屢見吟咏僕於金陵亦然月地花天復此追憶不知身滯百蠻也

選勝鶯花幾度經吳娘低唱酒微醒誰知暮雨瀟瀟曲徧向

對村意外聽

何處南朝不可憐
屏中樓閣鏡中船
茫茫洗馬愁難遣
已過羊車入市年

鸞坊寂寞鳳臺空
白髮吳伶話故宮
外院尙橫金鈿鉞
內橋誰奏玉玲瓏

謝莊玩月憑闌坐
梁緒簪花側帽歸
古巷斜陽誰認得
重來惟有舊烏衣

名士當年說過江
圍棋邀笛總無雙
只今惟有青溪水
九曲潺湲到客窗

方塘

如鑑方塘皎不昏
琉璃經雨淨無痕
楊花吹落魚苗長
一夜春流綠到門

許開基

字勛宗海寧人雍正八年進士官至戶部郎中

湘潭道中遇雨

宿霧初收竹徑開
雨絲端與拭輕埃
泉聲忽作弦聲急
知是琵琶峰上來

琵琶峯在湘潭

海湖詩傳卷四

湖海詩傳卷四

六